

杻香閣詞

次廣署



X

乙卯小春

栖

香

閣

詞

曾銓署端



叙

吾邑閨媛工詩詞者有明以前無可考顧

所收閨媛多至五六十家亦託始於明嘉靖間而余九世伯祖爾

濟公配王太宜人實居其首太宜人少寡守節五十餘年崇禎中

旌表建坊世所傳誡子遺詩百韻法度謹嚴筆力蒼勁不類閨人

之作卽鬚眉中以詞章樹騷壇推祭酒者見之無不斂容頷首以

爲不可幾而及迄今子孫永寶守垂爲楷式再傳至漢儀公以

康熙己未進士授吏部稽勳司主事文章政績載在簡冊實皆本

於母夫人之教母顧太安人內閣典籍梁汾先生姊也少承家學

覃研聲律閨中自爲唱和梁汾先生效少陵同谷七歌有云有姊

極香閣詞

序

一

有姊號能文長者曹昭次左芬長卽指太安人著有極香閣詩詞

集一時傳播藝林響泉先生爲太安人族孫以其詩百七首纂入

詩鈔而詞則僅有鈔本道光癸未山陽李芝齡少司寇督學西江

於幕客孫肅禾案頭讀太安人詞歎閱大加擊賞郵索全稿開雕

於南昌節署其女弟文媛爲序而行之固由少司寇嗜才若渴微

顯闈爾亦太安人之詞英光灑氣終有不可磨滅者特假手以永

其傳也當時歸板於家後遭匪亂燬焉自余有知識卽以表章邑

中文獻爲事網羅掇拾已有多種次第付之剞劂尤以先人手澤

未盡蒐輯爲愧今年春余友秦君特臣歸自申浦握手言歡因及

暨陽金滄生麟尹雅富收藏曾得此本於嶺南書肆余聞欣喜過

望亟介杜丈子携函商借讀手自鈔錄凡二卷都二百餘闕其詞  
蘊藉深厚才思又復豔絕神味於草窗爲近並時吳江郭頻迦靈  
芬館詞話稱太安人楚黃署中聞警調寄滿江紅語帶風雲氣含  
騷雅殊不似巾幗人吐屬同邑丁杏舫國朝詞綜補亦選錄栖霞  
五十餘闕宜與陳其年婦人集稱無錫顧文婉自號避秦人詩詞  
極夥恒與王仲英女士相唱和當時負盛名已若此宜於彈指爐  
塘外別樹一幟無庸軒輊其間也我朝康熙乾隆之際貞元會合國  
家全盛吾邑亦篤生賢哲以應昌期如嚴秦杜顧諸老各以餘力  
兼攻側豔今所傳秋水微雲浣花等集殘膏餘瀝足以沾溉來學  
太安人生長名族跌宕文史機雲昆季自相師友讀集中往復酬  
答之闕猶想見一門風雅之盛然藉非王太宜人教澤涵濡漸漬  
於百年之久烏易造此和平中正之極軌也詎不懿歎抑余聞之  
故老栖霞舊址國初時已蕪沒讀太安人栖霞閣懷舊有瓊秀溪  
邊第一家之句以意揆之當在表善坊內而余今居廬適當其處  
則所以詠世德誦清芬者將於是乎在小子何敢讓焉乃謀之族  
姪保三釀賞重刊俾栖霞香一集與秋水微雲共分片席未始非詞  
林中一佳話卽王太宜人之遺澤亦可以遞嬗於勿替也夫  
宣統二年歲次庚戌小春月下泮族孫學愈戡龔氏謹序

栖霞閣詞

序

一

原序 原序 金瓶梅詞話 卷之四 李瓶兒 李瓶兒 李瓶兒

間之觴飛搖水而西母傳音機瘦璇宮而皇娥製曲古雖有作  
渺矣無稽若夫泉水寫憂阿邱望遠旨麗以則詞哀不傷垂女  
史之書名遺形管盛房中之樂譜自唐山然則入乎風雅進於  
歌詩律承師曠之調味要狄牙之和冰欲其濟而江心之品實  
殊琴取其清則絃外之音斯遠至於閨閣雜咏工巧尤難今吾  
觀梁溪節母顧太夫人文魏氏栖香閣詞而知巾幗亦有英雄  
脂粉無慚記傳也至若傷懷念遠悼古思今意記白蘋悲彈紅  
豆移宮換徵悲鳴於月夕花朝減字偷聲寄恨於東徐南楚出  
天孫餘錦彌結深思爲樂府指迷頻移格調於是低徊惆悵顧

### 栖香閣詞

盼沈吟綺語增纖孤懷獨覺轉軋轆之韻欲與腸迴弄參差之  
吹因之氣鬱淚將瓊墜秋共葉飛滿紙淒涼頻問梅花之影一  
庭岑寂如參簷荀之禪憂非萱草可忘志豈幽蘭能託大兄芝  
齡感其獨日深傷二髦死誓危軀示烈絕粒明貞鐵石爲心香  
溢梅花之賦松柏比節秀挺蘭蕙之芳豈可不揚之彤管翼此  
坤教乎乃取其生平所著輯而編之新建李孝廉蘭筠先生情  
深古典雅辨蟲魚景慕方殷核訂彌切由是栖香閣之詞遂行  
於江右前妙香室之刻用達於都中以節母之才而遭遇之勝  
如此必傳於後無疑矣文媛不憚固陋謬薦鄙言標凡礫於珠  
林穉翰墨於金簡愧慚交集悚懼畢臻山陽李文媛謹序

跋

今年春續建築爾濟公家祠落成於庭院蔓草間得王太安人遺

詩之殘碑二為明臣黃先生道周之夫人手書雖石刻殘闕續即

招墨工拓紙百餘以留真跡適伯文族叔以手鈔顧太安人栖霞

閣詞二卷示續立付梓人用聚珍板印刷二百部以廣流傳並請

伯文族叔任校讐事因附以一言蓋叔世道衰文學凋敝一邑之

文獻凌夷士大夫之恥也一姓之文章散佚家乘不能借載搜集

遺編後人之責也續既網羅鄉先賢之遺殘簡冊儲於縣立圖書

館茲復刊刻顧太安人之詞一以免先人遺墨徒供蠹蝕之餘一

以懼名淑歌詞遠絕寰中之響也敬跋數語以誌顧末仲裔鴻鑑

栖霞閣詞

跋

謹跋

栖霞閣詞卷上

梁溪顧氏文婉著

滿江紅

送梁汾弟北上適中庭杏花盛開

夢草池塘擬重續謝庭佳咏又早是離愁滿載片帆風順千縷  
柳絲難挽住一枝紅杏聊爲聽看明年此際日邊開宮袍襯  
頻酌酒須拌飲重話別言難盡怕歸來庭院故人多病風日長  
途珍護好春城寒食應相稱情雙魚先寄與平安泥金信

望江南

東亭好太史舊名家望去有庭皆疊石看來無樹不梅花卽此

栖霞閣詞

卷上

是煙霞

東亭好佛閣石爲龕曾羨蓮臺雙並帶願依彌勒一花憨還把  
本來參

東亭好疏雨透庭梧小酉閣前山水畫晚粧樓外朝川圖燕子  
引新雛

東亭好青粉薜蘿牆梅子乍圓鶯語滑杏花微雨燕泥香小立  
傍斜陽

東亭好最是閒居詠絮詩教鸚鵡念簪花格使玉人書積雪  
滿庭除

東亭好青蓋綠陰圓元覽閣前題白雪三餘閣上駐嬋娟一望



似神仙

東亭好欄砌玉玲瓏一點煙鬟留夕照三層樓閣接垂虹人在畫圖中

東亭好最憶是花朝破寂自傾鸚鵡盞拈題先得美人蕉閣倚鳳凰簫

東亭好無事掩深閨痛飲長歌紅燭夜沈香小像曲屏西何處不堪題

東亭好梅子乍圓特碧玉隣家催門草青溪小妹解彈碁吟就護蘭詩

東亭好石榻對茶煙丹桂香飄金粟嶺碧梧陰覆臥雲軒鬥韻

柘香閣詞

卷上

二

與飛箋

浣溪紗

和王夫人仲英韻

百轉嬌鶯喚獨眠起來慵自整花鈿澆衣風日試衣天幾日不曾樓上望粉紅香白已爭妍柳條金嫩滯春煙

滿江紅

中秋寄梁汾弟

此夜秦淮桃葉渡蘭舟桂槳回首處金焦兩點水天一樣望去金波驚萬里愁來白髮三千丈笑閨中羸質愧稱兄余差長河橋畔危樓上疏林隔征帆漾儘斜陽送眼秋潮初漲十載別



離勞夢寢半生詞賦同悽愴願重來還補謝家吟人無恙

精密念奴嬌

甲辰送麟兒就試有北堂人求老青鬢約金冠之句回  
香消夢覺黯黯驚又早浮生半百青鬢花封當日語添取幾絲  
華髮綺思紛來回文自解總是前生業空中臺閣醉時書破四  
壁回首辛苦三遷雞窗十載千里經風雪倚闥高堂愁日暮  
望斷鳳城雙闕杏雨沾衣曲江風暖此願知何且老年莫負花  
明柳綻時節

踏莎美人

栖霞閣詞

卷上

三

送梁汾弟

鏡裏遙山意中雲樹天涯約畧煙深處驢歌唱罷又重招贏得  
傾城名士擁蘭橈候到松風飄殘硯雨一春長向花前語縱  
教雙鯉自通潮爭似玉驄還駐小紅橋  
雨中花  
曉起

詩卷難化花前淚

憶秦娥二首

西窗月過人瘦影成三絕成三絕清愁虛冷都無話說日金釵  
割損闌干漆鑪煙裊篆屏山寂屏山寂侍兒促睡單衾寒怯  
西窗月照人夜夜如相識如相識穿簾入幕故來尋覓空闌  
此際真愁絕遙知尙有秦娥泣秦娥泣與君嘗盡生離死別

卜算子

木葉下庭皋  
鍼線無心理  
閉向黃花說  
可憐依約  
纖腰細  
孤雁泣樓頭  
明月人千里  
十二闌干  
獨自憑  
嘗徧愁滋味

天仙子

翡翠離披裝未卸  
獨倚燠籠坐  
深夜晚寒料峭  
入重圍  
腰可把

栖霞閣詞

卷上

四

愁難寫  
相對相憐  
銀燭下  
燭盡香殘  
催眼也  
短夢未成  
魂欲化  
欲擬翻然  
上圖畫  
蓬萊界  
通靈快  
莫繫留  
仙雙錦帶

一剪梅

九十春光半已殘  
詩興闌珊  
酒興闌珊  
鏡中憔悴不堪看  
羞畫眉  
灣嬾畫眉灣  
澁雨慳風特地酸  
不許春閒  
不許人閒  
年年愁病苦  
相關花也長  
歎人也長歎

菩薩蠻

秋宵不寐

霜碁碎擣愁腸裂  
啼蛩絮語  
愁心切  
露葉墮  
空庭窗  
穿月明  
倍朝衾  
隨便擁難續  
春前夢玉匣  
閣輕紈  
空閣一樣酸

如夢令

冬夜

細雨絲絲宵永風透繡幃初冷兀坐掩屏山嘹唳鴈聲難聽孤  
另孤另最是燭殘香燼閒攪玉鑪煙篆陣陣北風吹幔滴瀝  
小窗前長其淋鈴淒斷宵短宵短不抵離愁一半

憶王孫

何事愁多與病絲一宵風雨又無眠起來羞對鏡臺前有誰憐  
探梅時節擁鑪天

浣溪紗

好夢留人悔却醒誰教鶯語弄新晴乍寒還暖又清明 門掩

柝香閣詞

卷上

五

落花春寂寂香消睡鴨晝沈沈日長閒自理瑤琴

前調

盡日簾垂嬾上鉤無端春思在眉頭絮飛花落夢悠悠 剪剪  
輕寒朱戶寂絲絲細雨小窗幽東風腸斷不堪留

踏莎行

小窗黃余未出閣時每至春月諸姑歸寧大父母携表姊妹數  
尺遊良俎人流連讎笑自戊寅已卯各各三星入戶黃實宜家  
離南離離不相聚首惟寄情於暮雲春樹耳月白燈青有懷難

遣爰賦此詞

暈掩青燈寒侵翠袖音書望斷重陽後昔年闌閣門新粧而今

追憶難回首 夜月聯床曉窗同繡踏燈挑菜頻攜手夢中依  
約聚難分覺來贏得愁腸逗

蝶戀花

吹透晚香愁一綫觸景無端淚濕羅衫徧悶來欹枕不成眠夢  
中還慮愁難遣 人靜蕭齋門獨掩無限愁思半刻腸千斷欲  
出簾櫳邀女伴羞看鏡裡啼痕面 正愁深也望舊地  
憶秦娥

本意

鱗鴻絕暮蟬空向林梢咽秦娥安否多應傷別 雲山萬疊空  
相憶昨宵魂夢曾相覓曾相覓小橋流水分明記得

柘香閣詞 卷上

六

玉蝴蝶

茗溪署中

一抹晴空無際煙光澹蕩微月當樓點綴平蕪樹色暮藹初收  
斷霞邊慈烏千點看反哺爭擇枝頭漫凝眸親幃何處夢裡難  
留 颼颼風吹鬢影寒生肌粟喚起千愁不堪回望舊家庭院  
早驚秋憶當初棲遲三楚今日箇落拓湖州願難酬聊憑斑管  
寫我心憂

滿江紅

重九日

細雨斜風却又早重陽時節登高去小樓凝望楚天空濶秋水

伊人家萬里白雲親舍山重疊是誰啼紅淚濺霜林楓如血  
填不滿窮愁穴補不盡離愁缺湖庭階勝事依然陳迹黃菊有  
花羞插鬢素心欲轉憐匪石有孤鴻和月伴卿卿成三絕

前調  
楚黃署中間警又早朝春階舞鏡一簪  
僕本恨人那禁得悲哉秋氣恰又是將歸送別登山臨水一派  
角聲烟靄外數行雁字波光裡試憑高覓取舊粧樓誰同倚  
鄉夢遠書迢遞人爭戰辭家矣嘆吳頭楚尾翛然孤寄江上空  
憐商女曲闌中漫漉神州淚算縞綦何必讓男兒天應忌

清平樂  
元宵前二日重過東皋見殘雪未消梅花欲綻遂賦此  
杳香閣詞 卷上 七

閒愁未掃擬向梅花告傲骨自來貧亦好邱壑儘供潦倒  
魂不用人招此生拌老漁樵多謝天公有意留將一地瓊瑤

梧葉飄香時別去重來又早陽春韶華驚見一番新梅心檀正  
吐柳眼綠初勻錦帳香車安足羨幽姿恰合長貧灌畦聊且  
寄城闌一池新漲水好洗耳邊猶

掠鬢梳鬢弓鞋窄袖不慣從來但經營料理茶鐺茗盃親供灑

掃職分當該還謝天公深有意便生就粗疏邱壑才將衰矣斜  
陽日影短景頻催閒身不妨多病且憑他位置廢苑荒臺伴  
香濃琴靜百城南面青編滿架湘軸成堆一縷茶煙和字煮只  
數點秋花手目栽都休也蠅頭蝸角於我何哉

嘯傲生成薄游身世慘澹悵懷也曾經料理繡床花樣回文機  
杼空裡樓臺怕向鍼神稱弟子但通國閨娃受教來今難再看  
殘絲刺綫意癩心灰清神猶餘眼耳便霜鬢雪鬢任屬形骸  
與青溪小妹飛牋索賦孀閨病嫂險韻同裁痼癩烟霞誰得似  
有疏影孤山一樹梅江南夢想羣花未墜雪裡偏開

栖霞閣詞

卷上

八

浪淘沙

新粉墮瓊珥荷露初團滿城風雨驟生寒莫便重陽時候也一  
例心酸小扇疊輕紈空畫乘鸞流螢飛渡玉闌干休傍牙籤  
頻掩映不是倩冠

菩薩蠻

斷腸春色遺餘幾可憐一半催歸去簾外草萋萋簾前燕子飛  
香塵迷紫陌悶把闌干拍多恨不成粧故園天一方

前調

綠楊煙鎖深深院流鶯驚起花翻亂無處不堪憐春三二月天  
愁來無計却腰瘦渾如削燕盡鵲香難消此夜長

歸國遙

四姑約歸阻兩

分飛久相約同舒雙黛  
昨夜夢中攜手訴愁還是舊  
帳望曉粧時候正珠釵翠袖  
此恨卿卿知否淚花香浥透

玉連環

問梅影

一枝斜向屏山溜  
亭亭孤秀問卿何事也顰眉應是爲憐人瘦

相對爐香若盃伴殘銀漏  
願教青帝好留春明日玉容如舊

減字木蘭花

題三餘閣

栖霞閣詞

卷上

九

雕欄玉砌簾幕低垂  
香霧裏中駐媚娟十五盈盈未解憐  
遙山晚翠恰是雙螺初破黛  
恍對雲英何必崎嶇上玉京

清平樂

問海棠影

娟娟楚楚借得青燈助  
相對似憐還似妒不語却因何故  
枝頭嫩蕊初開西風且莫頻催  
留與伊人爲伴明朝還傍粧臺

滿江紅

春寒夜雨不能成寐  
復起擁鑪命酒陶然竟醉賦此

滴碎花魂鄉夢杳擁衾遺  
遣淒絕處燈昏香燼重門深閉  
握管欲吟紅雨出啼痕  
先把青衫漬卸金釧閒自撥  
爐灰書愁字

今古事醉而已死歸也生如寄任旁人妒口或憐或鄙嘯傲久  
成雙鳳侶粗疏好與頑仙似問從來淪落孰如余應無二

南鄉子

蹙損遠山眉脈脈愁腸不自持窗外含葩將放也瓊枝爲祝東  
風且莫吹往事不堪思空憶拈花弄草時幾載飄零傷薄命  
如斯浪說閨中映玉姿

虞美人

暗傷亡國空彈淚此夜如何睡月明何處斷人腸最是依然歌  
舞宴昭陽幾年膏徧愁滋味難覓無愁地欲箋心事寄嫦娥  
爲問肯容同住廣寒麼

柘香閣詞

卷上

十

卜算子

夜雨

蛩語雜寒砧欲睡如何睡翠冷芙蓉小帳空慵整餘香被  
無賴倚闌干多少思鄉意滴瀝芭蕉一夜聲盡是愁人淚

鵲橋仙

又六月六日爲天孫寫怨

輕颺乍拂纖雲幾點淡淡玉鉤初掛歡期屈指是耶非笑幾度  
鈿車欲駕碧翁相惱素娥相戲底事良緣多假從今寄語向  
人間莫浪說年年今夜

眼兒嬌



簡王夫人仲英

西風吹淚灑寒林，鄉夢杳難尋。半床月影，一聲歸雁，幾處疏砧。  
阿憐何事音塵絕，惆悵隔年心。沈寥風景，淒涼滋味，分付孤  
樹。

前調

薄暮

一痕新月掛疏桐，人倚畫樓東。徘徊獨自黯然無語，目斷歸鴻。  
數聲嗚啞樓頭泣，清露滴芳叢。羅衣漸濕，香衾冷，不耐秋  
風。

浪淘沙

杳香閣詞

卷上

十一

憶故園諸女伴

羅幕晚涼輕葉葉，秋聲琅玕移影。北窗明懶剔銀燈，花自落素  
卷縱橫。底事暗心驚，舊日雲英檻鸞圖鳳，可憐生何日西風。  
吹夢蝶飛度愁城。

青衫濕

題斷腸草

倒傾三峽淚，流水墨氣染雲煙。有情花月無端，風雨俱託毫尖。  
瓊箋寫淚銀鐙煮字，送盡華年。天公何事從來，酷妒逸韻韶

顏

南鄉子三首

曉起怯梳粧  
 澁雨濛濛煙閉藥房遙憶親  
 幃天際遠思量長把他  
 鄉作故鄉  
 一寸草拆春光  
 鍼線重拈只自傷一段離愁誰問取  
 淒涼折得梅花訴斷腸  
 和悶倚欄干  
 渺渺雲山隔問安鏡裏朱顏非舊日  
 難看靜掩紗窗怯早寒  
 愁緒恁無端  
 淚眼人叢只暗彈  
 最苦韶光留不住  
 摧殘兩鬢年華漸似潘  
 閒坐數梅花  
 冷淡蕭疏恰是他耐雪經霜開獨早  
 堪誇不向東風門麗華  
 游子滯天涯  
 目斷親幃音信賒  
 欲寄隴頭無驛使  
 嗟呀夢繞羅浮不到家

楓香閣詞

卷上

十一

望西菩薩蠻

風門病中不寐簡故園女伴

紅冰冷浸芙蓉被  
 玉壺滿貯愁人淚  
 天外一聲悲  
 離羣寒鴈歸

侍兒呼不應  
 轉輾憐同病  
 幾欲夢鄰娃  
 通宵夢覺賒

前調

孤鶯

羈愁慵整風前羽  
 沙汀悔不同歸去  
 顧影立池邊  
 低頭應自憐

小娃強解事故  
 故爭相戲待  
 欲探求風隨他  
 鶯燕忙

憶遠時蓉濱北游

憶遠時蓉濱北游

雁泣西樓天亦瘦  
慘黃愁翠難消  
受長歌當哭  
孤燈瀉淚  
典盡難留  
嫁日衣醉來  
却喜書空字  
問斷腸吟  
就是何題  
長門句  
屏山靜  
爐烟細  
聽不了  
寒蛩砌  
數離愁  
多少撐天  
塞地  
故國迷漫  
殘照外  
美人宛在  
瀟湘裡  
坐闌中  
對此可憐  
宵人憔悴

行香子

坐對芳時  
卧賞瓊姿  
任閒愁不上  
雙眉  
東風吹軟  
日暖煙低  
喜晝沈沈  
人悄悄  
暮垂垂  
醉眼迷離  
醉墨淋漓  
問其中  
佳思誰知  
薰香坐久  
聽烏粧  
遲愛徑  
蕭蕭香細  
細柳絲絲

前題

七夕

柘香閣詞

卷上

三

登雪爲衣  
削玉爲肌  
賦催粧  
休問機絲  
疏星耿耿  
銀漏遲遲  
暫別雲娥  
拋月姊  
謝風姨  
似夢還非  
乍覺還疑  
再商量  
閒歲佳期  
笑啼難處  
歡合悲離  
願和天  
老長相見  
耐相思

卜算子

夜雨問梅花

翠被擁無眠  
睡鴨沈煙縷  
閒對梅花說  
斷腸窗外  
連宵雨  
屈指十年間  
此景平分取  
靜掩金鋪老  
歲華諳盡  
愁滋味

水調歌頭

得華封弟信即用其書中語

身世原爲客  
何必嘆離居  
脚跟不用綫繫  
天地本吾廬  
夢覺池

塘芳草酒醒曉風楊柳縱纜采明珠五六十枝菊三四千卷書  
渡桃葉尋彭澤訪小姑漢濱拾翠此際能無佳句乎論橄題  
橋司馬作賦登樓王粲踪跡古人如故里莫回首聊且托雙魚

浣谿紗

咏梅花贈畫中美人

露葉如題欲恨誰巡檐索笑事難追年年燕子不曾窺  
夢去  
偶題濃淡字愁來長蹙淺深眉一春惟有捧心悲

滿江紅

中秋旅泊

爲問嫦娥何事更一生擔擱也曾照曝衣樓畔長生殿角伴我  
栖香閣詞

卷上

十四

綺窗朱戶影辜他碧海青天約倩廻風迢遞寄愁心隨飄泊  
五色管今閒却千石酒誰斟酌又天涯羈旅鬢絲零落別夢忽  
忽偏易醒遠書草草渾難託判長眠憔悴過三秋人如削

菩薩蠻

咏瓶中海棠影

海棠莫怨清秋寂一枝偏傍蟾宮客粉指印青編亭亭玉樹前  
相看俱是影相對難相問試語喚真真應憐身外身

滿江紅

剪綵爲花曾譜出空中金谷翻花樣龍飛鳳舞碧梧修竹閉戶  
再添今夜綫停鍼便換明朝粟到如今袖手任長貧真堪哭

春蠶繭絲難續西山日風吹燭笑浮生幻影一場蕉鹿久病不求靈兔藥無聊再整殘書牘腕生生真覺筆如椽教兒錄

前調

代人紀事

數載塵埋猛題起舊游堪忽何曾並雙鸞鏡裏畫眉深淺綺閣朱扉依舊是重來願作梁間燕似香消一縷又重然絲難剪闌干外簾鉤捲清露下催銀箭奈闌珊燈火出終人遠殘雪曉寒如夢合梨花夜雨回心院問首身金粟是何處今生見

百字令

文窗瀟灑青梅小正是牡丹時節珠箔低垂微雨過險韻詞成  
栖香閣詞 卷上 五

新闌輕拂烏闌橫陳綠綺燕子香泥濕朱櫻初熟蘆香茗盃清絕  
消受幾日韶華淺番風雨杜宇聲聲泣門外絮飛花落盡春去誰能留得綠葉成陰荷錢漸長多少閒蹤跡雙眉餘恨至今猶是堆積

水調江紅

贈程夫人

金粟前身生就箇莊嚴法相絕不是尋常閨閣意中嬌樣宮錦盤腰雙鳳縷煙螺覆額輕沙漾七香車一品五花封裙釵讓遺憎厭紅塵障頻指點西來相看碧波深處青蓮生長題徧名花難看句詞成白雪憐空唱待和伊攜手禮真仙瑤池上

前調

閏七夕雨

細雨窗紗正夢裡風臺月榭簾垂處輕雲淡抹玉鉤不掛吹去  
幾絲煙篆冷飛來一幅瀟湘畫染胭脂微暈海棠花陪幽雅  
頻鳳恩恩波下應告却鸞機假算金風百廿星橋雙駕好會漫  
憐今夕占離愁翻恨重沾惹怪無端烏鵲到人間傳佳話

賣花聲

秋分後桂花海棠俱開燕猶未去戲作

絲雨海棠沾欲語還含青苔小石疊層風露葉如啼花似笑無  
限嬌憨 梁燕戀江南桂子銀蟾依回斜拂水晶簾爲愛秋香

栖霞閣詞

卷上

去

渾忘却杏苑春酣

南鄉子二首

憶遠

鸞鏡掩清光莫向簾前試淺粧翠嶺春雲都付與秋霜驗取多  
愁點鬢傍 殘夢倦堪傷不待秋陰釀嫩涼自撥鑪熏垂繡幙  
留香一縷柔烟伴夜長

花影伴淒然辜負濃香桂子天彈指韶光如夢也嬋娟能得窗  
前幾箇圓 移過博山煙屏掩瀟湘獨自眠冷透重幃吟未就  
清箋總有新詞莫浪傳

百字令

秋雨懷表妹 王人盡照眼 出出 出 出 出

惱離重疊被天孫織就絲絲剝雨剛則慄慄新病起賸有幾多  
心緒慘淡幽花淒涼秋扇盡伴清秋淚憑高望遠烟鬢遙隔秋  
水 猶記雙槩蘭舟催人燈火携手凭肩處萬點星球看未足  
忍送秦娥歸去香冷閒窗吟成新調應也愁無寐怎生消遣黯  
然魂斷天際

減字木蘭花

寄女伴

斷雲疏雨人在幽窗秋夢 綉榻今朝畫箇雙鸞又倒描 天  
寒倚竹翠淡綃輕衫袖薄 佇立風前不見飛瓊和雪箋

栖霞閣詞

卷上

七

賣花聲

瀟倒舊詞場南國消香啼箋淚墨漫平章今夜不堪重檢點滿  
紙悽涼 十載費珍藏一縷柔腸玉臺粧閣鎮端詳他日相憐  
何處是蘭畹同場

風中柳

惜海棠并哭舍妹

看斷腸花真箇柔腸斷了淚盈盈黃昏清曉吟箋繡帖付與冷  
烟衰草問何時雙眉同掃 絲 雲韶光容易鬢絲催老不如君  
長眠獨早疏香幾筆是玉人遺照願他生池塘夢好

鳳凰臺上憶吹簫  
重陽前三日月明如洗  
重陽偏今宵明月滿地凝霜愁  
絕綠窗深掩挑蘭燈伴過淒涼無聊甚瓶花影裏獨自持觴  
流光遷移彈指看幾度夢中滄海田桑縱烏絲千丈難寫微茫  
莫去登高臨水料俱是落木衰楊添惆悵驅歌唱罷鴻雁離行  
鵲橋仙  
疏簾瀟灑幽窗寂靜旖旎秋花數點拋殘綵線與金鍼消受箇  
等身萬卷  
松風吹到茶煙輕漾湘榻桃笙半捲拌將數米與  
量柴換得箇清閒安晏

柘香閣詞

卷上

六

此樂南鄉子三首

暮春壬子仲冬同表妹張夫人小舟出西關濕雲連天欲雨  
不雨淒涼景况黯然消魂憶從前禮懺華藏曾維纜  
於此風和日暖迴異斯時彈指韶光抑何速耶因記  
以三詞其三和張韻華藏多櫻桃花故落句及之  
消盡夜來霜落水蕭疏雁數行一寸橫波凝望處瀟湘無限江  
山送夕陽  
誰與語寒泉瘦影低鬢照可憐不似清和風日好  
千觴一洗英雄兒女腸  
攜酒載嬋娟剪髮爲帨藕作船重繫烏隄衰柳下淒然分付斜  
陽慘淡煙



湖邊紅綻櫻桃月正圓

減字木蘭花

余既成前二闕有頃冷風吹鬢閒雲疊捲似有雪意因  
橫檝西定橋痛飲快談進關時已薄暮泊舟就岸再  
占此以誌別

風帆煙渚滿載閒愁推不去送盡秋碧海青山依舊留  
難  
消別後殷勤再執柔荑手歸到幽窗暮雨蕭蕭逗玉缸

多麗

栖霞舊閣久成廢苑殘嵐暮加修葺中林姪有詞題壁

余亦製此

栖霞閣詞

卷上

五

笑栖霞從來苑廢臺荒憶侯門繁華何在分明夢覺黃梁便經  
營烏衣逆旅只收藏半榻縹緲未許容愁豈能容膝藥欄花榭  
嬾商量鏡奩移琉璃視側睡鴨篆煙旁鎮相對空庭花雨屏上  
瀟湘拌今生箋題墨淚血枯心死何妨緝幽蘭猶堪爲珮栽  
萱草可以忘憂殘粉飄梅新黃染柳謝家風景舊池塘標題處  
清淒小閣照乘夜珠尤人俱羨長楊賦手秋水篇章

南鄉子

雪

高卧不知愁報道瓊瑤已滿樓分付侍兒休拂拭須留簾外冰  
條似玉鈎  
莫去泛扁舟瀟灑應無我一流向日豪懷依舊在

能酬詩滿壽箋酒滿甌

浣紗溪  
閩斷腸草有感

南國佳人去不回  
瓊花何必又飛來  
眼前誰是謝家才  
記得  
釋愁人念我擘冰留  
與鳳凰釵  
鑲金小盒餉粧臺

前調

剪剪輕寒冷畫屏  
深深庭院語流鶯  
星星殘夢不分明  
點點  
香泥營燕壘  
絲絲剝雨灑  
含英垂垂楊柳漾輕盈

畫堂春

黃牡丹寄纖月閣

柘香閣詞 卷上

三

國花第一數姚黃  
檀痕初暈新粧嬌  
鶯啼午正芬芳翠繞雲裳  
簾捲流蘇輕漾  
畫樑雙燕栖香  
知君視北擁繚緗  
試與平章

前調

咏十妹姊

麴塵羅帳錦如雲  
楊家姊妹承恩  
蛾眉澹掃最爲尊  
豈國夫人  
望去紅圍翠繞  
華來舞袖綃裙  
隨香泊粉儘芳春  
根帝難分

南歌子

穉李還消歇  
楊花盡作萍  
陳家宮闕漢家陵  
都被東風斜日送  
還迎  
無限登臨意  
全無烟香情  
此身猶在不須驚  
留得西鄰

醴醪勸長甌

栖霞閣詞卷下

梁溪顧氏文婉著

滿江紅

廿年前爲人題小影復見之感而賦此

繡榻花關記當日輕塗嫩灑曾有箇蛾眉蟬鬢低頭深拜捧硯

焚香舒小影爲他題咏增慨慷猛回頭早是廿年前真堪駭

清揚句今猶在繁華夢今難再破丹青留得文麈筆債光景盡

隨流水去江山原是滄田海算百年三萬六千場休驚怪

水調歌頭

寄織月閣

栖霞閣詞

卷下

三

三月初十日猶記去年時濃香畫閣微雨花裏識冰姿一種柔

情俠骨真解箇中冷暖一笑素心期消釋頻年恨還驚兩鬢絲

多問阻難相會易相離況兼愁病咫尺粧臺未可隨今已綠

慳若是向後不知何似聚散總難期賤短言不盡神與暮雲馳

浪淘沙三首

萱草

折簡寄忘憂莫更多愁額黃初印雨初收一縷檀心開笑靨別

樣風流猶憶去年游畫閣香浮嫣紅媚紫一庭幽常展空齋

桐葉咏絕勝封侯

何必畏炎蒸林下風生梧桐葉葉露華零姑射仙人原是雪當

暑偏清 病起喜身輕如在瑤京水晶簾捲曲欄憑好句飛來  
賡險韻筆硯陶情

悔不話連宵分取無聊如今魂夢也難招多謝罡風吹不斷一  
縷愁苗 瘡病信如潮怕是今朝斜陽時節又來邀償盡紅鑪  
冰與雪不廢推敲

南鄉子四首

賦得瘦竹如幽人秋花如處女

輕雨灑松筠林下風清浣俗塵瘦影蕭疏誰得似幽人翠袖天  
寒倚夕曛 嬌女豔秋晨淺紫輕紅未解鞦韆娟莫嫌秋太淡  
清芬九畹芳蘭佩可紉

栖霞閣詞

卷下

三

兀坐憶西家北面牕開桂影斜無限愁悰聊說與秋花娥媚幽  
閒恰是他 暗自數年華盼得秋來事事賒七夕再逢人又病  
星槎位置依然隔綵霞

不耐坐殘更常祝華胥夢莫醒卻怪曉風吹薄幙牕櫺爲趁清  
光補未曾 機杼自縱橫脫怯難拈絮一星自笑無能如絡緯  
聲聲咽盡寒霜兩翼輕

雁去恰鱗來何幸孤踪繫素懷半幅衍波緘錦字忙關卻分明  
珠漾鏡臺 也擬與追陪聞道秋風滿徑栽帶眼頻移憔悴盡  
身材病利秋深恐不該

滿庭芳

乙丑元旦立春

除夕迎春朝歲旦百年難過今年瑤枝瓊樹光映滿堂前無  
奈風鬟雨鬢何心去翦勝爭妍思前事雪堂分韻黛筆拂雲箋  
圍爐簾半捲裁冰煮雪繡坐香眠正繁華時節月媚花娟多  
少悲歡冷暖黃粱熟一笑茫然今惟有閒身尙在子孝與孫賢

南鄉子

來去影雙雙花雨萍泥特地忙最是將雛時候好栖香宛轉閒  
闌夜話長 忍使擲秋光換却排空雁幾行明歲再來人健否  
休忘記取城東第一梁

前調

柝香閣詞

卷下

五

粟粒不須賒萬斛千鍾敢自誇夜落金錢鋪滿地豪華分付雙  
鬢莫掃他 衰柳晚歸鴉曲曲闌干淡淡花爲怯西風深護好  
輕紗移過鑪香供着他

如夢令

梁汾弟說歸不果

說道殘冬歸矣何事經春還未鉛粉褪梅粧又報杏花微雨留  
住留住幾登遙山煙樹

前調二首

月照重門閒字心上不離愁字樓上晚風寒吹斷鴈行一字留  
住留住再整依然成字

懶帖泥金勝字書過空中怪字疏畧愧平生不學簪花格字機  
杼機杼織就迴文錦字

南鄉子

何必問天涯消受簾前繞砌花應是天公費裁翦秋紗碧蘚芭  
蕉映着他春事縱繁華花到秋深韻轉加擎露海棠嬌欲語  
欲斜欲乞名師畫着他

滿江紅

城南看菊寄纖月閣

爲訪煙霞看不足疏林如畫迷離處斷雲孤鶩輕帆遙掛冷淡  
西風甘撲面淒清霜菊原無語向晴空長嘯寄登臨斜陽下

栖霞閣詞

卷下

七

權領畧花盈把聊假日消憂罷恐秋光老去難留瀟灑興廢總  
沈波影裏古今難定青山價待携將此景問佳人從頭寫

前調

茉莉

玉骨亭亭似不屑俗人爲伍堪憐處愁懷莫釋芳心未吐數畧  
清芬羞對月一枝瘦影嬌凝露喜含葩向晚暗生涼消煩暑

擎翠袖依簾幕移素質纖雲護想晚粧新浴玉人風度學淺愧  
無看雪咏才高自有吟秋句倩瓊枝珍重伴栖霞香相賡和

南鄉子

閒自數黃花三徑雖荒韻不賒山色青青當戶見堪誇娥媚依

然恰似他 碧水映明霞一簇芙蓉傍淺沙  
緘線筆床移得近 窗紗淡碧輕紅繡出他

前調

紀夢

昨夢到瑤京 僊女飛瓊花下迎  
曲徑回廊香拂袖 閒行滿架琴書近  
畫屏 綺閣剪跟燈彤管香奩細與評  
獨有桂花天上句 偏清一洗春愁秋怨情

滿庭芳

劉姑惠佛手茉莉賦謝

素羽輕翻淡然無暑稜稜當暑偏清  
梨雲門掩甘自讓娉婷聞

栖霞閣詞

卷下

姜

道葵榴爭豔應愁說抹麗佳名裁蕉葉  
停臺倚石香韻賦難成 散花人不遠  
拈花微笑合掌雙擎似纖纖指示海筏  
迷津爲 問鴛鴦繡出金鍼法度與誰  
曾長相伴紗窗清影月上晚涼生

武陵春

秋日見桃花

凄慘秋痕吹欲斷 香冷藕花中  
塞北誰傳數點紅 春信到西風  
曾向武陵深處見 驚問舊時紅  
許放漁郎一棹通 桂子伴芙蓉

重登金

吳夫人贈畫梅

粉痕猶印纖纖手幽姿想與人同瘦何處看花來花如對我開  
數枝佳欲絕相共隣香月好句寄來看清芬滿畫欄

點絳脣

雪後紅梅

水澗雲孤南枝微露經年信瓊瑤初褪數點胭脂暈半捲湘  
簾倩影疏香映看難盡壽陽宮粉付與東風領

天仙子

曉鏡當窗花照影燕子飛來醉簾影凭高一望渺长空孤鴻影  
疏林影天外輕帆樓外影自爾清泉憐瘦影遠黛遙山爭翠

栖霞閣詞

卷下

美

影平分一半與池塘梧桐影芭蕉影倒掛垂楊新月影  
梅花界斷闌干影斜陽移過千秋影牽蘿補屋幃輕寒珠箔影  
琅玕影驚飛不定栖鴉影推不出月穿窗影遮不住風搖燈  
影薄游人世耐淒涼貧無影愁無影繁華夢去難留影  
孤村流水丹楓影沙汀淺水歸鴻影百城南面等身書牙籤影  
縹緲影揮毫點染湖山影拂不去霜飛鬢影翦不斷香絲篆  
影一簾春雨燕來時雙飛影爭泥影栖霞香靜鎖梨花影

浣溪紗

不道韶光二月中深深庭院護春慵未消殘雪月朦朧  
四番花有信最淒涼處杏花風霏烟霏霧滿簾櫳



前調

春事銷磨雨雪中，卻寒衫子未曾縫。春分寒食太匆匆，鳳頸  
燈搖珠箔捲，玉簫聲遠畫樓空。落花還是舊東風。

前調

却愛流鶯喚曉眠，一簾新月漾窗前。杏花開也記當年，忽綠  
愁紅銷慧業，青谿白石浣衣天。南唐佳句寫裙邊。

蝶戀花

寄織月閣

瀟灑疏籬閒點綴，淡紫輕紅何必隨。宮綵黃蝶自來花，自媚惜  
花情緒誰能會。一雨過，苔青蛩語碎。新月旋生，怎撇清光睡。雁

柝香閣詞

卷下

毛

字礎聲風拂桂伊人也與寒窗對

百字令

雲昏雨暗，問天公那得許多愁緒。應是瑣窗無限淚，化作千絲  
萬縷。病骨雖存，柔腸難續。身世真無味，先離煩惱。被人又早占  
去。猶記藥椀茶烟，去年今日相對傷。羈旅回首，粧臺秋色裡。  
憶着故園花媚，白髮衰翁紅顏少婦。一別十年矣，問古今來更  
誰遭際如此。

滿庭芳

弱絮輕塵，空花幻影，分明身世虛舟。笑孤雲野鶴，何事淹留。迥  
憶從前似夢，無端別業海市蜃樓。如今似，槿花臨暮，燕子清秋。

休休韶華去也便瓊花難奈風散雲流多少朱顏綠鬢空耽  
誤粉怨脂愁何須問唐宮漢苑總屬沈浮人只似夢中

鳳凰臺上憶吹簫蘇軾重過闕門聽雙鶯日銷魂

寄織月閣

土木形骸風鬢霧鬢心情不似當年便時移事去總付茫然最  
憶蘭闈道韞承相念着意相憐鱗鴻便織織粉印頻寄瑤箋

嬋娟遙知此際正簾下拈花却伴花眠對湘紋茗椀露滴珠研  
應是南華卷讀屏山側低按冰絃鑪烟細一絲輕裊吹上珠鈿

新涼

中秋見有以月爲韻者漫賦

杳香閣詞

卷下

美

長嘯問明月譜江山誰堪賦就美人花月除是沈香人醉後曾  
記愁心與月吟不了曉風殘月今夜瓊樓懸玉鏡有金樽檀板  
酬佳月香盈斗煙籠月照殘霞斷續關山月霧迷漫角聲鴻影  
寒沙捲月幾處瑣窗眉黛斂幾處流黃待月更幾處織織掬月  
莫道無雲清萬里看悲歡離合千家月吾長嘯問明月

鳳凰臺上憶吹簫蘇軾重過闕門聽雙鶯日銷魂

初七日雨

鳳頸無光湘絃微潤依然釀就重陽問籬邊黃菊已試輕霜昨  
夜生憎明月今宵又聽雨淒涼寒生也催人刀尺倦理流黃  
甚傷聲聲點點頻送愁中病裏時光看芙蓉開徧幾日紅香莫

去登山臨水料俱是落木枯楊添悽愴漁歌唱罷鴻雁離行

沁園春

甥姪輩讀書予家喜賦一章勉之

蘭長新芽梅粧試粉柳眼回青趁輕寒淺暖趨庭問字圖書半  
壁雪案琴橫硯雨飛來嬌鶯初轉似送春光到畫屏逢良卿友  
有西園無忌茂苑長卿 文窻細雨閒評羨蘭畹金荃次第廣  
更斜簪側帽裙書白練香留隔座談笑風生下里深慚未諳格  
調漫說詞宗宅相名須欣慕揣摩自勵莫負年英

臨江仙

瓶花

杳香閣詞

卷下

五

消露細研粧粉翠綃斜映輕紅春光留駐小屏東高低非困雨  
疏密豈欲風 換水移枝珍重湘簾淡月朦朧誰言花事已成  
空茶蘼香夢裡素影畫圖中

滿庭芳

四姑話舊

白雪開庭三餘小閣昔年曾貯嬋娟分花鬥草何地不堪憐剪  
燭西窗話舊相倚處携手凭肩從別後特移世換腸斷各風煙  
想吳山楚水竹樓黃暑風景依然只霜鬢雪鬢不似從前何  
事驚心歲月彈指便四十餘年身雖在檣花臨暮燕子晚秋天

前調

壽王妹六十

林下清神閨中秀質蛾眉領袖天然雲鬢宮樣不減似當年正  
是花中姚魏兼葭倚玉種藍田真堪羨三株瓊樹文采總翩翩  
百年從此始于飛舉案共慶華筵看武陵春暖燕子樓前最  
喜芝蘭爭茂簫聲裡彩鳳嬋娟真堪羨文宗理學雙壽地行仙

憶秦娥二首

雞肋雖存嬾從人熟索居寂寂惟王妹時令青衣顧問

兼承佳餉

殘冬迫迴腸百結愁雞說愁難說有誰來問凍雲寒雪驚心

歲月空相惜關心姊妹猶相憶猶相憶笙歌影裏鏡錢時節

栖霞閣詞

卷下

三

憐凄切芳若甜香時不絕時不絕殷勤魚雁粧臺咫尺深愁  
夢與秦娥說梅花影裏凭肩立凭肩立闌房林下清神秀色

浣溪紗二首

張妹惠鞋賦謝兼呈王妹一晒謝王妹相會寄六陽問

宮樣盤雲繡鳳頭一帆風順載春愁可能相與五湖游準擬

朝來樓上望美人粧閣隔重樓暮雲春樹見無由

養護春寒怕捲簾吟箋繡帖不曾拈玉人可也思慊慊折去

梅花鸞羽便寄來蓮瓣鳳頭尖粉痕猶印指纖纖

前調

藍菊

知在東籬第幾重佳名偏喜與蘭同  
愛他開紫不開紅  
一枝珍護好淺顰輕笑伴芙蓉肯教流落怨西風  
良辰一閱

前調

秋紅

百葉重臺照眼明水晶簾下伴孤吟  
停車何必坐楓林  
不似槿花愁日暮儘留顏色待秋深  
清霜濃露沁檀心

一剪梅

春寒

重盞香燼漏迢迢不似春宵還似寒宵  
薄烟深院杏花梢  
難道明朝便是花朝  
淒風凍雪雨瀟瀟  
鏡裡容消夢裡魂  
消鄰娃  
杳香閣詞

卷下

三

莫去踏春郊吹斷秋腰  
瘦減裙腰

采桑子二首

咏秋海棠

愁來只有秋花好金粟新黃翠葉秋棠  
紫粉鬢花媚夕陽  
花時盡日垂簾坐本是淒涼  
花落還傷花落人亡哭一場  
絲絲細雨盈盈淚澹澹籠烟裊裊風前  
低影深紅亦可憐  
偏宜翠竹青花小清露珠圓別種幽妍  
不受塵埃半滴泉

前調

方咏秋海棠表妹張夫人適以此花見贈更成一闕

胭脂點破冰壺露  
疏雨濃烟石榻湘絃  
曾伴飛瓊賦雪箋  
檀

痕粉印鸞分贈素手親拈喚起愁眠今夜幽窗對影憐  
蕭蕭沁園春  
題美人箋

佩紉幽蘭歌拈紅豆並倚娉婷儘愁人揮灑登臨觴咏催歸送  
遠邊怨閨情攜向碧窗粧鏡側輕喚起盈盈翠袖擊瑤臺上鴉  
瓊萼綠爭似卿卿 砑光清凝賦粉待細研石黛染就丹青譜  
霜濃月暈寒鴉落木孤篷夜雨長笛離亭一抹蒼烟鴻影看幾  
點環螺接楚城標題處把情空閣半摺雲屏

味樓摸魚兒

惜華年那堪短日如許冷清清地長愁病禁得幾宵疏雨當日

栖霞閣詞

卷下

三

事空憶着雕闌玉砌東風裡斜陽歸去算只有多情伴人頻影  
相對各無語 思伴侶門草西鄰女別來也應憔悴青衫翠袖  
知何處脈脈盡隨流水君聽取君不見紛紛今古皆如此誰非  
誰是何必問青天本來造化萬物總難據

重疊金

重衲錦幄原無福琴書半榻和愁宿催雪上雲鬢能消幾夜寒  
餘生知己矣彈指韶光去有酒可忘憂何難飲百觴

鵲橋仙人箋

湘簾未捲沈烟濃注乍展芙蓉玉鏡小箋雲粉滿粧臺又製就  
鬢花新詠嫩涼初透停杯闌月碧海青天難並分明一幅綺

窗圖誰解得此時佳景

疏雨滴重檐鏡裡霜花昨夜添一片冷雲扶不起慳慳留住濃  
香莫捲簾半晌嫩寒嚴帶減茶煎一束織刀尺催人雙腕弱  
摻摻愁緒如絲嬾去拈

重疊金

秋牡丹

誰云春豔秋搖落春風到處傷飄泊吾意愛秋花經霜韻轉加  
標題天上桂管領東籬媚簇簇擁花王齊齊淺淡粧

剪湘雲

楓香閣詞

卷下

剪秋羅

霧縠初成湘雲乍剪早驚破秋窗沾杵聲怨錦字機絲慵去理  
羅綺不勝弱腕製輕衫珍重向天涯擘藕絲爲綫還倩斷雁  
零鴻蘆花溪畔怕日炙霜侵風吹雨濺無語垂鬟垂佇虛脈脈  
作間長歎結茶莢雙帶佩秋蘭浥愁人淚點

滿江紅

墜馬啼粧學不就閨中模樣疏慵慣嚼花吹葉粉拋脂漾多病  
不堪操井臼無才敢去嫌天壤看絲絲雙鬢幾時青空勞攘  
應不作繁華想收拾起淒涼況向牙籤堆裏自尋幽賞昨夜樓  
頭新夢好輕風吹送瑤臺上散閒愁高枕是良方飛瓊餉

百字令

元宵前三日覓得梅花水仙草蘭三種清芬滿閣恍入  
羅浮香夢故賦此詞

東風一笑又經年耐盡凍雲寒雪秀骨未容輕位置要占羣芳  
第一古驛書遲深宮夢醒香冷瑤皆月孤眠紙帳醉愁深淺時  
節那更玉笛驚吹瓊樓賦罷獨自臨風立桂葉雙蛾慵未展  
何待珍珠慰寂九畹芳蘭凌波仙種瑞可成三絕栖香閣靜伴  
人冷淡踪跡

金縷曲

元宵簫歌火樹銀花金吾不禁士女成行諺云誰家對

栖香閣詞

卷下

雷

月能閒坐何處閒燈不看來予猶不出賦此

對月能閒坐似空山更寒人靜雲深烟鎖道恁新春愁緒減依  
舊寂寥無那誰領畧滿城燈火看徧小屏風上畫只梅花清瘦  
還如我邀素月成三箇韶光一瞬隨風墜鎮銷停幽蘭香裏  
羅浮夢左睡鴨頻移瓶注水便是長宵工課垂紙帳衾高卧  
鳳頸微沈門靜掩又何心問踏歌簫鼓蓮花漏從頭數

浪淘沙二首

青衣從波浪中得梅花一枝花淚盈把諒不肯終隨逝  
水因留作蓮臺清供賦此誌感

曾向雪中開沒點塵埃肯隨桃李逐波來爲有湘靈深遣護擲



去重回 無力倚瑤釵淚粉盈腮生香活色莫疑猶好伴楊枝  
甘露水供向蓮臺

綠尊試清泉香粉增妍休言海筏渡無船春色原如秋色冷未  
許人憐 若過散花天風韻依然一枝彌勒現尊前不羨人間  
雙並蒂願化青蓮

昭君怨

元宵理髮折去一梳意非佳兆作此自解

恰恰弓弓如月常伴粧臺梳櫛鏡裏一絲絲是伊知 借足賣  
釵風韻減却纖纖一寸從此嬾雲鬢換金冠

浪淘沙

栖霞閣詞

卷下

壹

和纖月倒用原韻

何必羨儒冠花滿闌干掃眉才子是鳴鸞得近班家明月句願  
作齊紈 痛飲不須酸簾外輕寒海棠枝上露團團警醒今宵  
香夢影刻向琅玕

滿江紅三首

贈薛夫人

蘭畹金荃問佳句有誰消得除非是沈香亭畔一枝傾國數載  
端詳雲鬢影如今始傍牙籤側想曾隨阿母禮真仙瑤臺月  
渾不似初相識寒暄語何須說願小年如畫清談竟日無奈何  
花窗外雨催春去也催人別笑歸來魂夢尚依依重尋覓

萬斛愁思誰織就漫天風雨難禁架將歸送別遣懷無計望去  
畫樓煙樹遠飛來險韻驚人句算詞壇端合讓裙釵低頭矣  
人宛在香窠裡飛絮詠休輕棄似蘭吹風送名花解語莫把韶  
華和恨瑣空花幻影尤難寄看他年醒句滿香奩傳千里  
夢裏香窩常只在繡窗朱戶最相宜微風纖月淡烟輕度遲暮  
難酬香豔句病魔隔斷鈿車路羨耽書深癖似伊稀還餘我  
殘暑退輕雷過虹影沒斜陽暮愛梧桐幾葉鬢花數朶縹緲漫  
憐銀漢影參差誰是穿針侶只無聊燕子故飛飛來青瑣

步步嬌

却又早綠葉成陰深深院偏小窗流鶯囀問可是城東第一

柰香閣詞

卷下

美

詞章禁院傳謫仙才入爭羨

殿前歡

博得簡柳枝憐抵多少簪花書格澆花箋看梳雲一字尤堪羨

新水令

半窗晴日杏花天帶東風柳絲嬌軟分題拈翡翠折簡寄嬋娟  
綠映平川踏青時燕來庭院

駐馬聽

宿雨朝烟露浥胭脂紅數點閒庭寂寞惜花人起夢尤淹 傍  
粧臺淺度嬾臨鸞將凌波款步青苔蘚笑嫣然看朝陽一朶春

光統

桃絲自製曲對蕭郎頭青苔詞繪畫斐然蕭郎指自八

風十日壬子九月二十三日夜夢兩仙子煙鬟雲鬢霧縠霞綃

纖莫深芬芳襲人珊珊而來光彩耀室遺余草二株一株條碧

紅絲非花非葉纖纖可愛不與垂柳似云是桃絲一株

翠葉淺深如梧桐如菊如桂如藁方圓斜整種種可異云

是翠凌波因其名遂各製一詞記之

清波難寫流虹影喜夢裡垂垂比似人間枝葉異桃絲紅房

爛煮瓊花晏問此會何時四十九年償慧業歸遲

香透衾鸞髮欲釵鳳斷鼓零鐘薄醉和愁擁哀雁啼蛩清露重

藕香閣詞 卷下

翠生生幻出凌波夢靈根知是瑤臺種豔葉柔絲不與凡花

共待展砑粉吳綾寫幅屏山清供珠箔深沈不教風雨吹送

附錄

滿江紅三首

和栖霞見贈其各激各賦一歸薛夫人

敢曰金蘭只弟子繡裙難得休說起撒鹽飛絮傾城傾國遣婢

賣珠金谷裏牽蘿補屋青山側問幽栖何事可消愁花和月

樂莫樂新相識平生事從頭說有香窩似斗兼饒風日且作平

原十日飲今生慎勿輕言別恐良緣易散彩雲流難尋覓

鎮日焚香消不盡撲簾烟雨青苔院餘花委地欲留無計自入

春來詩思減欲吟紈扇無佳句悵年華似水向東流今已矣  
琉璃硯凝塵裏翡翠筆成拋棄有幽懷如許那堪無語咫尺暮  
雲花外路不教青鳥緘愁寄怨芙蓉秋水隔伊人成千里  
偶作軒窗恰山色青青入戶朱欄外翠嵐輕染白雲低度鸞寂  
燕喧梅雨候沙明月秀溪頭路看藤蕪綠到板橋西誰過我  
修竹畔清風過垂楊外寒烟暮對深紅淺白滿庭花朵讀罷南  
華情轉切無端忽念金釵侶折花枝歸去伴花眠愁瑣瑣

浪淘沙

奉贈侯太夫人

曲徑繞琅玕秋露團團晚來東閣恰生寒蟬鬢書生居上座也

栖霞閣詞

卷下

庚

是寒酸佳句滿齊紈繡鳳雕鸞文情筆態滿闌干不用囊螢  
兼映雪勝却儒冠

前調

用栖霞原韻金釵小影玉容清劉夫人

慵整舊時冠小倚闌干夢迴驚喜接青鸞展卷蘭閨酬和句勝  
却齊紈快意不知酸風送輕寒愛花微怯露溥溥對月幾番  
吟不就瘦盡琅玕

滿江紅

寄孫和叔兼呈山陽李侍郎芝齡先生

煮茗焚香怎消受滿窗風雨正鈔就棲香舊稿欲緘無計溯到

詞壇人世遠挑燈讀罷清新句問篋中藏得幾時光百年矣  
臺閣老韓歐似真賞識焉能棄仰龍門儒宿相知告語緜快他  
年東里重縑囊此日西江盼流芳翰墨達鴻都傳千里

柘香閣詞

卷下

五



學東里重縑囊此日西江盼流芳翰墨達鴻都傳千里  
臺閣老韓歐似真賞識焉能棄仰龍門儒宿相知告語緜快他  
年東里重縑囊此日西江盼流芳翰墨達鴻都傳千里

跋

右栖霞閣詞二卷吾邑顧安人女婉著案邑志安人爲梁汾舍人姊同邑考授州佐侯晉室曾王舅先春官給諫著直聲明萬應開王舅世美縣文學祖姑王太宜人苦節工詩嘗與黃石齋先生室蔡夫人倡和舅鼎鉉戶部主事子麟敷康熙己未進士吏部主事安人生長名門少嫻文史晚享大年一以詩詞自遣詩百七首其族孫響泉先生已刻梁溪詩鈔中獨詞僅鈔本余家與侯氏世姻嘗得讀而愛之癸未夏客江西學使李芝齡侍郎所偶誦所記憶一二闕侍郎亟歎賞因屬於鄉書中郵致之校付剞劂夫臭味之感靡間冠筓故或啟青綾而抗義或啟絳

栖霞閣詞

卷下

四

紗而請業至於百年之外聞奇輒蒐無幽不闕侍郎之嗜才若渴益可類推此百餘年中操觚之士泯泯何限乃安人之作久而彌章其故又可深長思者故侍郎之女弟旣爲之序余復識其顛末於簡末時道光五年八月孫燮謹跋

復清注律學人出與古門心職女與潮華大平一以備歸自檢

吳生楚幾夫人附麻興調檢巨指注律學子繼傳祖題曰未遊十

感程王麗州美線文學版談王太宜人古循王繼晉黃百城

人故回邑書對檢出到皆定曾王麗美海晉領書直贊則黃

古辭齊閣隨一香母出題受人書贈書案邑志安人謝樂符

也



